

南無地藏菩薩摩訶薩。以神通力。現聲聞相。
是諸微妙。功德伏藏。是諸解脫。珍寶出處。
是諸菩薩。明淨眼目。是趨涅槃。商人導首。
如如意珠。雨眾財寶。隨所希求。皆令滿足。
照行善者。猶如朗日。照失道者。猶如明炬。
除煩惱熱。如月清涼。渡四流者。為作橋梁。
趨彼岸者。為作船筏。伏諸外道。如師子王。
降諸天魔。如大龍象。護諸怖畏。如親如友。
防諸怨敵。如塹如城。救諸危難。猶如父母。
藏諸怯劣。猶若叢林。令諸有情。善根不壞。
現妙境界。令眾欣悅。勸發有情。增上慚愧。
求福慧者。令具莊嚴。能無功用。轉大法輪。
殊勝功德。不能測量。久修堅固。大願大悲。
勇猛精進。過諸菩薩。於一食頃。至心歸依。
稱名念誦。禮拜供養。能令一切。皆離憂苦。
求諸所願。速得滿足。安置生天。涅槃之道。
故我一心。歸命頂禮。

讚已。一禮。添香。致敬。唱云。

一心頂禮。本師釋迦牟尼如來。